



歷代大儒詩鈔卷五十二

滇西趙州後學谷際岐西阿甫彙鈔

受業諸子 男 全校

陸子

進呈闕里文獻考傳

謹案陸子例不得刊改補此

國史館傳

陸隴其初名龍其後改今名字稼書浙江平湖人唐宰

相宣公贊之裔也曾祖錫蔭祖憲父元世以儒術稱世

父燦前明進士為濟南府推官崇禎十年我

大清兵破濟南闔署殉難迨隴其以官起家始得以其

歷代大儒詩鈔

卷五十二

陸子稼書

一

采蘭堂

祖及世父衣冠招魂葬鄉里隴其自幼端重靜默穎悟  
過人年十一為文即原本經術少長勵志聖賢之學專  
以程朱為宗居敬窮理粹然一出於正其於富貴利達  
泊如也會明運將終盜賊蠡起隨父倉皇奔避患難中  
猶讀書不輟已而書籍復為遊兵所掠則自訟曰禹能  
行疇範之道天乃錫禹以疇範之書我實不能故天靳  
之益痛自刻厲嘗曰大丈夫生斯世攬轡澄清非異人  
任今日之憂豈為温飽哉復究心天文留意經濟康熙  
五年舉於鄉九年成進士年已四十一矣以需次復歸

家教授著書又五年遷授江南嘉定知縣嘉定爲濱海大邑民多逐末富商鉅室散處市鎮武斷暴橫相沿成俗富者競奢麗貧者舞刀筆而不肖胥役復相倚爲姦利號稱難治又治不產米漕糧任之他邑而代輸其折色積逋動以萬計令率坐是去官隴其至歎曰民不輸賦以貧也其所以貧風俗爲之也譬少年以遊冶傷其元氣力不能服勞爲父兄者禁其遊冶則元氣自復不禁而予以飲食抑末矣今且不爲飲食而又督過之則官與民俱病固其所耳故其爲治一以鋤豪強抑胥吏

歷代大儒詩鈔

卷五十二

陸子稼書

二

采蘭堂

禁侈靡變風俗爲主逾年風俗爲之大變訟不至庭案牘幾廢惟曰爲上官訊他邑事先是催科者惟假敲扑逋者逾限轉須杖錢自隴其爲立甘限法令應輸者自勒輸限屆期及半亦得宥以故絕不用杖而輸者爭至遂無逋負初邑有胥吏數千至是退去者過半會福建按察使缺

上命天下選賢能愛民之官不拘資格擢用都御史魏象樞以隴其薦而江寧巡撫慕天顏與隴其不相能疏請更調旋文致以諱盜落職其去任也與妻同駕一舟

惟圖書數卷織機一張而已百姓爲之罷市號哭攀留者數萬人隴其慰遣之衆知不可留乃爭立祠尸祝謂自建縣五百年來未嘗有此官也十七年

詔舉博學鴻詞工部主事吳源起以隴其薦會丁父憂不果試明年象樞廉得其被誣狀乃疏劾天顏舉劾不公而力陳隴其廉介是年夏

上命廷臣各舉廉吏象樞疏舉十人復以隴其薦有旨服滿補官然隴其雅不欲仕服闋仍家居講學著書以郡縣敦迫再四二十二年始就道復求改教職不許

歷代大儒詩鈔

卷五十一

陸子稼書

三

采蘭堂

乃補直隸靈壽知縣靈壽北枕太行南瀕滹沱民貧地瘠水旱頻仍隴其拊循安輯務在與民休息時派運

大內灰車靈壽小縣出五輛較大邑轉多經年費六七百金民不能給前令董祈請減之不能得隴其至復請於監司至以去就爭始得減二輛邑舊多荒地會以言者申隱地處分之例民益相戒不敢開墾隴其諄切曉諭於是漸有闢者終隴其任竟無一畝首報前此縣令審丁率以溢額爲功隴其曰如是是驅之逃耳乃覈實具報至虧一千五百有奇且請於上官曰若就筋疲骨

盡之民猶復責其包賠一點良心實難自昧縣令平日失於撫綏以致戶口缺額聽候上官處分以爲溺職之戒卒從其議民困以蘇巡撫于成龍蒞任諮訪利弊隴其條陳六事一言春夏之餉請緩征至秋成二言荒熟不常請使有司得便宜以熟補荒已墾成熟者十年而後起科三言水道宜疏處請司農度其費以次分年舉行四言墾荒及河淤所入之穀請畱本處備荒五言書辦工食心紅紙張修宅家伙及供應上司過往等類宜稍復存畱款項以杜私派之弊六言審丁不宜求溢額

歷代大儒詩鈔

卷五十二

陸子稼書

四

采蘭堂

果有溢額者請畱以積穀有逃絕以此補之有闕則蠲之成龍歎曰此真久大之謀也每公餘卽詣學宮聚諸生講說聖賢之道有質疑問難者與往復辨析明白曉暢於是人皆厲志於學二十九年畿輔大饑

命發帑以賑靈壽得三千兩太守約以二千及民繳千兩爲勘荒費隣邑有已散而復追者隴其獨持不可曰上負朝廷下欺百姓隴其不爲也巡撫格爾古德于成龍先後兩以疏薦學士李光地承

顧問亦稱其畱心性學清廉愛民以大學士余國柱沮

皆不果召後都御史陳廷敬復薦之乃行取試四川道  
監察御史召至見廷敬獨不稱師生廷敬歎服隴其爲  
御史首疏陳畿輔情形曰臣官畿輔者久知畿輔民情  
畿輔邊山一帶土瘠民貧異於他方荒多熟少自昔而  
然加以康熙十二年以後軍興緊急雜派煩多民困滋  
甚豐年僅可支持一遇水旱流離萬狀幸數年以來

皇上加意撫綏禁止私派不惜蠲賑鳩鵠之民得苟延  
殘喘然以言乎家給人足則尙未也臣觀自古豐亨之  
治皆非一日而成唐虞之世其初亦不免黎民阻飢堯  
歷代大儒詩鈔 卷五十二  
陸子祿書 五 采蘭堂  
舜兢兢業業積久而後蒸民乃粒漢自高惠而後多方  
休養至於文景然後天下殷富唐之太宗日夜講求治  
道至貞觀之末然後民食充足今天下平定猶未久也  
而又疊遭水旱故雖

皇上之勤恤民隱而百姓猶未免於艱難無怪其然矣  
求其殷富亦無他道惟在

皇上常持此勤恤之心期之以積久而勿責效於旦夕  
恩已厚而不嫌其更厚心已周而不厭其更周則家給  
人足之盛庶乎可望矣至於目前所當議者臣見上年

畿輔荒旱實異尋常其被災各州縣內雖閒有未被災之處亦不過稍有升合之獲差勝於被災者耳初奉

上諭將二十八年及二十九年上半年錢糧盡行蠲免已經撫臣出示曉諭後因部議分別被災州縣中有不被災地畝不准槩蠲百姓甚苦撫臣不得已題請秋後帶徵地方得以粗安第今歲秋收稍稔旣徵其新又徵其舊恐非積貧之民所能堪也雖曰豐年所入幾何穀價又賤其值無幾私債之迫索者衣服之典當者已去其大半仰事俯育仍憂不足又可責其兼完新舊之糧乎若非

歷代大儒詩鈔

卷五十二

陸子穆書

六

采蘭堂

皇上曲加垂卹臣恐地方有司惟知考成之是急不顧民力之難勝甚非

皇上蠲免之初意也疏入

聖祖稱善再三顧左右卽下其疏於戶部終格於部議及奉

特旨始盡蠲免湖南巡撫于養志丁憂督臣請令在任守制

詔廷臣會議隴其以疏論之曰九卿科道會議湖南巡

撫于養志在任守制一事臣以資淺不在會議之列不知所議若何及詢問與議諸臣謂會議之時昌言其不可者固有其人而依回不斷者比比而是臣竊怪之此明白顯易之事有何可疑而依回若是夫治天下之不可以不孝易明也在任守制之非所以教孝易明也天下正當承平之時湖南又非用兵之地無藉於在任守制易明也

皇上以孝治天下在廷諸臣沐浴於

皇上孝治之中久矣何難一言以直斷其不可邪且臣

歷代大儒詩鈔

卷五十二

陸子稼書

七

采蘭堂

不知議者以于養志爲何如人如其非賢者邪則固不當使之在任守制矣如其誠賢者邪則必不肯安心於在任守制矣在督臣代爲題請或從愛惜人才起見然臣以爲使之解任全孝正所以深愛惜之況

皇上一日所行天下萬世奉爲法程者也若使一撫臣

因督臣之題請而留將來督撫之丁憂者皆將援此爲

例其不思僥倖奪情者鮮矣名教自此而弛綱常自此

而壞此端一開關係天下實非淺鮮至於湖南一省之

人是則是倣不復知有父母又無足論矣竊以爲督臣

所請無庸議可也  
上從之三十年五月京師亢旱  
詔求直言隴其上三摺子言事一編審人丁宜痛除積  
弊一積欠錢糧宜請豁免一捐免保舉宜急停止輔臣  
以用摺子不合爲辭不得達隴其退復具疏曰捐納一  
事原非  
皇上所欲行不過因一時軍需孔亟不得已而暫開復  
恐其賢愚錯雜有害百姓故立保舉之法以防弊爲慮  
深遠矣近復因大同宣府運送草豆并保舉而亦許捐  
歷代大儒詩鈔  
卷五十二  
陸子穆書  
八  
采蘭堂

焉則與正途無復分別甚非

皇上立法防弊之初意且保舉所重莫重於清廉故督  
撫保舉必有清廉字樣方爲合例若保舉可以捐納則  
是清廉二字可捐納而得也此亦不待辨而知其不可  
矣若夫前此有捐納先用一例正途爲之壅滯至今尙  
未疏通故  
皇上灼見其弊久經停止雖前九卿因運送草豆會議  
酌開事例亦未及此蓋誠知其爲選途之害而不敢輕  
議也且捐納先用之人大抵皆奔競躁進之人故多一

先用之人卽多一害民之人此又不待辨而知其不可者矣故敢瀆陳芻蕘惟

皇上採擇臣更有請者臣竊見近日督撫於捐納之員有遲之數年旣不保舉又不參劾者不知此等官員果清廉乎非清廉乎抑或在清濁之間未可驟舉驟劾乎夫旣以捐納出身又不能發憤自勵則其志趣卑陋甘於污下可知使之久居民上其荼毒小民不知當何如故竊以爲不但保舉之捐納急當停止而保舉之限期更當酌定不但目前先用之例萬不可開而從前先用歷代大儒詩鈔

卷五十二

陸子穆書

九 采蘭堂

之人不可不加稽核伏乞

勅部查一切捐納之員到任三年而無保舉者卽令休致庶吏治可清選途可疏而民生可安矣有

旨同九卿會議司農主議不以爲然隴其又上議曰謹議得捐納一途實係賢愚錯雜惟有保舉一綫可防其弊雖不敢謂督撫之保舉盡公然猶愈於竟不保舉也今若并此一綫而去之何以服天下之心卽貪污之輩或自有督撫之糾參而其僥倖免於糾參者遂得與正途一體陞轉國體之謂何恐未可云無礙也雖有次年

三月停止之期然待至次年三月而後停則此輩無不捐納者矣卽無有不一陞轉者矣澄叙官方之大典豈不蕩然掃地乎此臣所以有速停保舉捐納之請也至於設立保舉而不定期則不肖之員多因循一曰百姓多受累一曰亦非

皇上愛養斯民之意議者或因限以三年而無保舉卽令休致恐近於刻不知此輩原係白丁捐納得官惟利是圖何嘗知有百姓踞於民上者三年亦己甚矣又可久乎況休致在家仍得儼然列於搢紳其榮多矣何謂

歷代大儒詩鈔

卷五十二

陸子稼書

十

采蘭堂

刻也卽云設立限期或反生其營求之弊此在督撫不賢則誠有此若督撫賢則何處營求臣不敢謂天下必無一賢明之督撫也卽使督撫不賢亦必不能盡捐納之人而保之此臣請定保舉限期一議亦從吏治民生起見未有吏治不清而民生可安者未有仕途龐雜而吏治能清者也九卿通令改議隴其執之愈堅由是衆寢不悅遂劾其拘執資格致捐納之人猶豫觀望遲悞軍需飾虛詞紊政事負言官職擬革職奉天安插李光地及順天府尹衛旣齊面奏救之得

旨寬免尋奉

命巡視北城然終以與衆齟齬試奉期滿都察院擬以不稱職對品調用隴其旣以剛直罷仍歸家教授明年卒於家年六十三又明年江南學政員缺廷臣會推翰詹大僚

上不允

特旨着陸隴其去大學士王熙奏隴其已故

上嗟嘆久之曰本朝如此人不可多得矣蓋隴其忠鯁雖不合於時其獲知於

歷代大儒詩鈔

卷五十二

陸子稼書

十一

采蘭堂

聖主有如此也隴其德器粹然文必載道所著有文集十二卷外集六卷四書大全四書困勉錄四書講義續編松陽四書講義禮經會元讀禮隨筆讀朱隨筆戰國策去毒呻吟語質疑衛濱日鈔靈壽縣志等書皆發明經學講求治理有裨實用而不爲詞章之學其教人以居敬窮理爲主謂窮理而不居敬則玩物喪志而失於支離居敬而不窮理則將掃見聞空善惡其不墮於佛老以至於師心自用者鮮矣又因明季異說紛紜程朱正學幾墜思力挽之故其學術辨上篇曰漢唐之儒崇

正學者尊孔孟而已孔孟之道尊則百家之言熄自唐以後異端曲學知儒者之尊孔孟也於是皆託於孔孟以自行其說我曰孔孟彼亦曰孔孟而學者遂莫從而辨其是非程朱出而崇正闢邪然後孔孟之道復明而天下尊之自宋以來異端曲學知儒者之尊程朱也於是又託於程朱以自行其說我曰程朱彼亦曰程朱學者又莫從而辨其是非程朱言天理則亦言天理天理之名同而其所指則霄壤矣程朱言至善則亦言至善至善之名同而其所指則冰炭矣程朱言靜言敬則亦

歷代大儒詩鈔

卷五十二

陸子稼書

十二

采蘭堂

言靜亦言敬靜敬之名同至所以爲靜敬則適越而北轅矣程朱之言有可假借者則曰程朱固若是也有不可假借者則曰此其中年未定之論也黑白淆而雅鄭混雖有好古篤志之君子力扶正學亦止知其顯叛程朱之非至其陽尊而陰篡之者則固不得而盡絕矣蓋其弊在宋元之際卽有之而莫甚於明之中葉自陽明王氏倡爲良知之說以禪之實而託儒之名且輯朱子晚年定論一書以明己之學與朱子未嘗異龍溪心齋近溪海門之徒從而衍之王氏之學徧天下幾以爲聖

入復起而古先聖賢下學上達之遺法滅裂無餘學術  
壞而風俗隨之其弊也至於蕩軼禮法蔑視倫常天下  
之人恣睢橫肆不復自安於規矩繩墨之內而百病交  
作於是涇陽景逸起而救之痛言王氏之弊使天下學  
者復尋程朱之遺規向之邪說誠行爲之稍變然至於  
本源之際所謂陽尊而陰篡之者猶未能盡絕之也治  
病而不能盡絕其根則其病有時而復作故至於啟禎  
之際風俗愈壞禮義掃地以至於不可收拾其所從來  
非一曰矣故愚以爲明之天下不亡於寇盜不亡於朋  
黨而亡於學術學術之壞所以釀成寇盜朋黨之禍也  
今之說者猶曰陽明與程朱同師孔孟同言仁義雖意  
見稍異然皆聖人之徒也何必排而深拒之乎夫使其  
自外於孔孟自外於仁義則天下之人皆知其非又奚  
待吾之辨惟其似孔孟而非孔孟似仁義而非仁義所  
謂失之毫釐差以千里此其所以不容不辨耳或又曰  
陽明之流弊非陽明之過學陽明之過耳程朱之學豈  
獨無流弊乎今之學程朱者未必皆如敬軒敬齋月川  
之絲毫無疚也其流入於徧執固滯以至僨事者亦有

歷代大儒詩鈔

卷五十二

陸子稼書

十三

采蘭堂

矣則亦歸罪程朱乎是又不然夫天下有立教之弊有  
末學之弊末學之弊如源清而流濁也立教之弊如源  
濁而流亦濁也學程朱而徧執固滯是末學之弊也若  
夫陽明之所以爲教則其源先已病矣是豈可徒咎末  
學哉中篇曰陽明以禪之實而託於儒其流害固不可  
勝言矣然其所以爲禪者如之何曰明乎心性之辨則  
知禪矣知禪則知陽明矣今夫人之生也氣聚而成形  
而氣之精英又聚而爲心是心也神明不測變化無方  
要之亦氣也其中所具之理則性也故程子曰性卽理  
也邵子曰心者性之郛郭朱子曰靈處是心不是性是  
心也者性之所寓而非卽性也性也者寓於心而非卽  
心也先儒辨之亦至明矣若夫禪者則以知覺爲性而  
以知覺之發動者爲心故彼之謂性則吾之謂心也  
彼之謂心則吾之謂意也其所以滅彝倫離仁義  
張皇詭怪而自放於準繩之外者皆由不知有性而以  
知覺當之耳何則旣以知覺爲性則其所欲保養而勿  
失者惟是而已一切人倫庶物之理皆足以爲我之障  
而惟恐其或累宜其盡舉而棄之也陽明言性無善無

歷代大儒詩鈔

卷五十二

陸子稜書

十四

采蘭堂

惡蓋亦指知覺爲性也其所謂良知所謂天理所謂至善莫非指此而已故其言曰佛氏本來面目卽我門所謂良知又曰良知卽天理又曰無善無惡乃所謂至善雖其縱橫變幻不可究詰而其大旨亦可睹矣充其說則人倫庶物固於我何有而特以束縛於聖人之教未敢肆然決裂也則又爲之說曰良知苟存自能酬酢萬變非若禪家之遺棄事物也其爲說則然然學者苟無格物窮理之功而欲持此心之知覺以自試於萬變其所見爲是者果是而見爲非者果非乎又況其心本以爲人倫庶物初無與於我不得已而應之以不得已而應之心而處夫未嘗窮究之事其不至於顛倒錯謬者幾希其倡之者雖不敢自居於禪陰合而陽離其繼起者則直以禪自任不復有所忌憚此陽明之學所以爲害於天下也涇陽景逸深懲其弊知夫知覺之非性而無善無惡不可以言性其所以排擊陽明者亦可謂得其本矣然其學也專以靜坐爲主則其所重仍在知覺雖云事物之理乃吾性所固有而亦當窮究然旣偏重於靜則窮之未必能盡其精微而不免於過不及是故

歷代大儒詩鈔

卷五十二

陸子稼書

五

采蘭堂

以理爲外而欲以心籠罩之者高顧之學也陽明之病在認心爲性高顧之病在惡動求靜我觀高子之論學也言一貫則以爲是入門之學言盡心則以爲盡心然後知性言格物則曰知本之謂物格與程朱之論往往齟齬而不合者無他蓋欲以靜坐爲主則凡先儒致知窮理存心養性之法不得不爲之變易靜坐之說雖程朱亦有之不過欲使學者動靜交養無頃刻之離非如高子困學記中所言必欲澄神默坐使呈露面目然後有以爲下手之地也由是觀之則高顧之學雖策矻陽歷代大儒詩鈔

卷五十二

陸子稼書

六

采蘭堂

明多切中其病至於本源之地仍不能出其範圍豈非陽明之說浸淫於人心雖有大賢不免猶蹈其弊乎吾嘗推求其故天下學者所以樂趨於陽明而不可遏者有二一則爲其學者可以縱肆自適非若程朱之履繩蹈矩不可假借也一則其學專以知覺爲主謂人身有生死而知覺無生死故其視天下一切皆幻而惟此爲真故不賢者旣樂其縱肆而賢者又思求其無生死者此所以羣趨而不能舍嗚呼縱肆之不可易明也至於無生死之說則真禪家之妄耳學者取程朱屈伸往來

之論潛心熟玩焉其理亦彰彰矣奈何不此之學而彼之是惑乎下篇曰自陽明之學興從其學者流蕩放佚固有之矣亦往往有大賢君子出於其閒其功業足以潤澤生民其名節足以維持風俗今日陽明之學非正學也然則彼皆非與若夫明之末季潰敗不振蓋氣運使然豈盡學術之故也明之衰可以咎陽明則宋之衰亦將咎程朱周之衰亦將咎孔孟乎是又不然周宋之衰孔孟程朱之道不行也明之衰陽明之道行也自嘉隆以來秉國鈞作民牧者孰非浸淫於其教者乎始也

歷代大儒詩鈔

卷五十二

陸子稼書

七

采蘭堂

倡之於下繼也遂持之於上始也爲議論爲聲氣繼也遂爲政事爲風俗禮法於是而弛名教於是而輕政刑於是而紊僻邪詭異之行於是而生縱肆輕狂之習於是而成雖曰喪亂之故不由於此吾不信也若其閒大賢君子學問雖偏而人品卓然者則又有故蓋天下有天資之病有學術之病有天資僻而學術正者有學術僻而天資美者恒視其勝負之數以爲其人之高下如柴之愚參之魯師之辟由之嘑而卒爲聖門高弟此以學勝其天資者也如唐之顏魯公宋之富鄭公趙清獻

皆溺於神仙浮屠之說而志行端方功業顯赫爲唐宋名臣此以天資勝其學術者也人見顏富諸公之志行功業則以爲神仙浮屠之無損於人如此且以爲諸公之得力神仙浮屠如此是何異見氣盛之人冒風寒而不病而謂得力於風寒善飲之人多飲而惺然而謂惺然之得力於多飲豈其然乎今自陽明之教盛行天下靡然從之其天資純粹不勝其學術之僻流蕩忘返者不知凡幾矣閔有卓越之士雖從其學而修身勵行不愧古人是非其學之無弊也蓋其天資之美而學術不

歷代大儒詩鈔

卷五十二

陸子稼書

六

采蘭堂

能盡蔽之亦如顏富諸公學於神仙浮屠而其人其行則非神仙浮屠之可及也是故不得因其學而棄其人亦豈可因其人而遂不敢議其學哉且人但見顏富之品行卓犖而不知向使其不溺於異學則其所成就豈特如此而已但見明季諸儒爲王氏之學者亦有大賢君子出其間而不知向使其悉遵程朱遺法不設良知不言無善無惡不指心爲性不偏於靜坐不以一貫盡心爲入門不以物格爲知本則其造詣亦豈僅如是而已邪譬諸日月之蝕然不知其所虧之已多而但指其

僅存之光以爲蝕之無傷於光豈不誤乎嗚呼正道不明人才陷溺中人以下旣汨沒而不出而大賢者亦不能自盡其才可勝歎哉夫陳王之病世儒類能言之至若斥陳王而仍入於陳王者則非隴其之深抉闕與細察秋毫不能發其隱而大服其心也乾隆元年九卿等因議原任一等公福善等諡法附奏云原任御史陸隴其精研程朱之學實爲昭代醇儒於雍正二年經九卿議准從祀文廟但以官職未合請諡之例當年未經子謚臣等謹按通典云諡主於行而不繫爵故宋儒如胡

歷代大儒詩鈔

卷五二

陸子稼書

十九

采蘭堂

瑗呂祖謙諸人官職未顯俱得子謚今隴其旣經從祀文廟似亦應追諡以示表章得旨賜諡清獻贈內閣學士兼禮部侍郎

欽定國子監志

國朝康熙間御史雍正二年

世宗憲皇帝詔增入

文廟從祀乾隆元年

賜諡曰清獻禮部奏應照諡號給銀建碑隴其御史會典內無五品碑價因贈官內閣學士兼禮部侍郎

詩

謹案三魚堂文集十二卷外集六卷附錄二卷  
其外集卷六內載詩五古二十八首七古一首  
七絕三首不分體總詩三十二首今鈔十八首

清水潭紀事

去歲波濤上。今年成坦途。東隄雖未竣。功成良已多。羽  
書旁午至。暫從浮橋過。艮艘仍湖行。安瀾未可歌。廟謨  
正焦勞。莫憂久蹉跎。

有儀軒歌

有序

昔年嘉定有署事公倪伯屏者我邑人也曾

歷代大儒詩鈔

卷五十二

陸子稼書

辛

采蘭堂

有德於民民因建報德祠其內有假山爲予  
前任趙尹雍客移置署中有儀軒軒雖美觀  
而祠幾廢予故有感而作

吁嗟有儀軒其石何離奇問石何自來來自故侯祠聞  
昔祠初成吏民競祝釐或持觴酒勸或獻萬年辭翼翼  
堂與室尊嚴若神祇孰知祠中石一朝遷在斯廢興誠  
可嘆此理豈渺微我聞召公棠周人永勿移翦拜各相  
戒千載以爲期動之何如耳今古豈異時感應捷梓鼓  
聖賢寧我欺恭寬信敏惠斯須不可離反躬而已矣可

歎亦可疑

田家行

誰云田家苦。田家亦可娛。上年雖遭水。禾黍多荒蕪。今年小麥熟。婦子儘足哺。所懼欠官錢。目下便當輸。昨夜府檄下。兵餉尙未敷。里長驚相告。少緩自速辜。不怕長吏庭。鞭撻傷肌膚。但恐上官怒。謂我縣令懦。傷膚猶且可。令懦當改圖。陽春變霜雪。爾悔不遲乎。急往富家問。倍息有勝無。田中青麥已。是他人租。聞說朝廷上。方問民苦茶。貢賦有常經。誰敢咨且吁。不願議蠲免。但願歷代大儒詩。鈔卷五十二

陸子稼書

三 采蘭堂

緩追呼

贈阜平令潘价維視災靈邑十四韻

與君生南服。作吏恒山陽。君質如鸞鳳。君器如珪璋。區區樗櫟材。視之若望洋。所與君同者。惟此惻怛腸。荒邑遭洪水。四野盡蒼茫。束手正無策。中夜起徬徨。喜君捧檄來。恫痛若身癢。慷慨告大吏。不救民且僵。閭閻鳩鵲情。遂得達廟廊。君馬自喂養。君僕自齎糧。有酒不敢飲。有肉不肯嘗。知君憐溝瘠。意不在豆觴。何以報大德。惟有中心藏。悠悠滹沱流。此念固不忘。

穎川行贈同寅夏景翁并壽

穎川太守黃次公。卓犖不與凡吏同。八載穎川無他技。力行教化贍貧窮。耕桑樹畜不厭煩。田者讓畔獄長空。亭猪烏肉特餘事。所尚不在誇明聰。是時百姓苦吏急。桑孔張趙聲隆隆。獨用寬和稱長者。治去泰甚何妨龔。戶口歲增治第一。鳳凰神爵鳴。雖有詔賜爵。關內侯。黃金百斤旌其庸。太傅御史次第拜。起家謁者丞相終。謁者丞相亦偶爾。可喜得之寬。平中乃知持法不貴刻。俗吏嚴酷真矇矓。夏侯尚書洵有用。經術原與吏治通。歷代大儒詩鈔卷五十二

陸子稼書

三

采蘭堂

煌煌班史循吏傳。讀之不覺生清風。

贈陳安平子萬并壽

束髮誦漢史。仰止博陵崔。亭伯旣翩翩。子玉亦多才。實也少沉靜。卓然出塵埃。惟讀政論篇。不能不徘徊。文以嚴致平。茲言何爲來。王道尙寬仁。豈盡欺我哉。解網非罷軟。斯民良可哀。子真激一時。無乃未細裁。陳君宰茲土。膏澤日益培。借問何以治。聞賦山有臺。申韓非我學。視民如嬰孩。一破崔生論。俾我心目開。君常持此念。陽春爲君回。心與造化游。千秋常恢恢。

表賢母閭

越歲在龍蛇。風景偶告愆。譏南及譏北。處處民苦癩。黍  
苗盡枯槁。農夫空胝胼。草根盡充食。斗米三百錢。恒陽  
有賢母。惻然心憫憐。我賴先世德。諸子聿翩翩。聲名溢  
中外。冠纓滿堂前。當此旱魃虐。千里多罄懸。天子尚咨  
嗟。憂形雲漢篇。况吾桑梓情。忍視無突煙。前憲有遺則。  
我願一追攀。鄭展出鍾粟。黔敖陳粥饘。豈不惜錢財。其  
如心鬱遘。我食可無肉。我衣可不鮮。但無溝中瘠。我便  
安。食眠出我囊。殮資一一陳。路邊務使鳩鵲形。殘喘得  
歷代大儒詩鈔

卷五十二

陸子稼書

三

采蘭堂

荷延閭里競歡呼。何啻甘露零。歌祝遍遐邇。直達九重  
天。有詔出丹陛。伐石南山巔。特表賢母閭。芳聲俾永傳。  
寄語厚積者。勿徒務芟艾。蘇茲菜色人。勝於買良田。  
壽叔祖話山翁七表

憶昔總角時。屈指里中賢。卓犖固多人。叔祖實翩翩。自  
茲竊嚮往。服膺常拳拳。每一接緒論。輒復意欣然。私喜  
黃叔度。近在家庭前。中歲遠宦蜀。召杜聲流傳。一朝賦  
歸來。優游茂叔蓮。身隱名愈震。年高德彌堅。隴也愧不  
敏。畱滯在幽燕。嘗思脫塵網。追隨當湖邊。時聞老成訓。

庶幾箴其偏。竊怪漢伏生。九十便多愆。空勞鼂大夫。不能辨百篇。孰如我叔祖。終日常乾乾。有詔問尚書。一能口宣。

贈崔平山

聞說古王母。遺跡在房山。簡編莫可考。紛紛傳里闈。豈願從八駿。來觀禮義閑。抑是穆天子。挈之游人寰。區區白雲篇。大雅久欲刪。況茲益訛傳。千載疑信閒。君子貴令德。何必遠追攀。瑤池咫尺耳。無事西出關。惻隱滿腔子。勝似仙人顏。不見崔使君。視民如恫瘝。自從兵戈來。

歷代大儒詩鈔

卷五十二

陸子稼書

三十四

采蘭堂

間閭日苦艱。一自君下車。逃亡漸次還。嘖嘖歌頌聲。往往流山灣。充君愷弟念。召杜直等閑。此德何終極。滄沱水潺湲。

孤松吟送僉憲梅崖李公解任還都

孤松生高岡。天矯挺奇形。雖遇大風起。不隨衆草零。大風有時息。孤松長青青。人生有屯亨。自昔多變更。所貴學道者。猝加之不驚。毀譽任紛曉。吾獨守吾貞。不見黃次公。歷盡通與窮。忽從廷尉議。忽並丙魏崇。榮落有何常。萬事真夢夢。所以董江都。明道不計功。下帷是吾事。

升沉惟上穹。勿憂世險巖。但願吾道隆。俯仰無愧怍。何  
虞衆論訐。路旁多歎息。競欲問太空。誰知君子胸。霽月  
與光風。

箕山

吾聞古箕山。云在嵩高旁。又聞許由跡。乃在卻穀鄉。孰  
是孰非歟。往事多渺茫。不識勲華世。何故有畱良。豈見  
共驩輩。意氣猶揚揚。所以甘高蹈。不願任棟梁。不知臯  
與禹。日孜孜。廟堂懷襄勞。拮据飢渴在。心腸之子若聞  
知。應愧獨翱翔。我友產洛水。筮仕恒山陽。宰相箕裘在。  
歷代大儒詩鈔卷五十二

陸子稼書

三

采蘭堂

光武臺

咄咄光武臺。遙接當陽城。當年馮鄧輩。竭力相扶撐。功  
勲垂竹帛。至今有休名。世道方隆平。無事設戰征。儒生  
思報國。惟在經術明。敷之爲吏治。膏澤徧蒼生。人心永  
固結。勝似求干城。王子抱經術。洞悉閭情。弦歌徧四  
境。村農安鑿耕。方且搜文獻。遠追先民程。但願行君學。  
何憂潢池驚。爲謝雲臺將。無勞費經營。

贈潘子遠亭尊人壽

錫山潘遠亭。秉志何芬芳。作吏恒山南。遠邇稱循良。一朝賦歸來。意氣殊洋洋。益勵青雲志。精進不可當。問君何能爾。淵源正孔長。有親未白頭。寄跡在戎行。少小耽經史。志在追黃唐。孝友著族黨。才器重珪璋。偶因感世變。一試黃石方。挾策上幕府。慷慨當危疆。轉戰常岳閒。洞庭波不揚。數奇未封侯。荷戈帝京旁。兵民相錯雜。一歌平康。衛霍何足論。真希涓濱姜。嘗聞過庭訓。男兒須自強。文當贊化育。武則務匡襄。不必計利鈍。但祈此歷代大儒詩鈔

卷五十二

陸子稼書

三

采蘭堂

心臧。余聞起竦然。所見何堂堂。宜吾遠亭子。志操如鸞凰。愧余樸遯材。不能頌琳瑯。幸昔託同舟。得一賭光芒。捉筆述梗概。聊當進一觴。

贈曹翁臻萊七十

自從出門來。不覺七八春。頭髮強半白。勉強涉風塵。羨君秉奇質。豪邁超等倫。兒孫多英拔。不啻太邱陳。優游談詩禮。終日常津津。門風雍以肅。古道賴未泯。屈指君甲子。七十今纔旬。七旬何足言。眉壽正無垠。愧余樗櫟姿。幸託在姻親。磋磨亦有年。猶然徒苦辛。常思脫軒組。

逍遙當湖濱。從君問奇字。曰。咬鱸與蓴。左手握芝蘭。右手攜鳳麟。各出青箱業。仔細論道真。箕裘告成就。世風亦返醇。君應倍欣然。陶陶同大椿。

贈姚亘山

丈夫志四方。此言須細詳。四方雖云樂。何如在家鄉。況復多變態。前途更難量。網羅到處有。不可不慎防。所以先聖訓。教人善行藏。進禮退以義。窮達視彼蒼。滔滔雖皆是。我必擇康莊。人生貴知道。豈必登廟廊。君不見詩人拳拳十畝桑。子陽老布衣。咄咄勝侯王。堯夫安樂窩。歷代大儒詩。鈔卷五十二。

陸子稼書

二十七

采蘭堂

至今仰耿光。此中有真味。難與世人裔。君誠熟反覆。知吾言不狂。

題靈邑南寨村佛寺二絕

亦是聰明奇偉人。能空萬念絕纖塵。當年可惜生西土。未聽尼山講五倫。

偶憐愚俗多狂惑。敷衍輪迴俾駭聽。若知同泰舍身事。

應悔當年語不經。

讀張文潛江上詩因嘲

宛卽先生學頗堅。惜從蘇氏雜狂禪。莫道紛紛渾似夢。

人生何事可茫然

欽定四庫全書載三魚堂文集十二卷外集六卷附錄一卷

提要云其門人侯銓編凡雜著四卷書一卷尺牘一卷序二卷記一卷墓表誌銘墳記傳共一卷外集六卷則哀其奏議條陳表策申請公移而終之以詩及隴其行狀之類亦併附焉目錄之末有其從子禮徵跋言隴其平生不屑爲詩古文辭尤以濫刻文集爲戒故易簣時篋中無遺稿至康熙辛巳禮徵乃旁搜廣輯彙成是集而屬銓分類編次蓋隴其歿後九年此集乃出也其文旣非隴其所手定則其中或有未定之稿與偶然涉筆不欲自存者均未可知然隴其

歷代大儒詩鈔

卷五

陸子稼書

天

采蘭堂

學問深純操履醇正卽率爾操觚之作其不合於道者鮮矣惟是隴其一生非徒講明心性其兩爲縣令一爲諫官政蹟卓卓可紀蓋體用兼優之學而銓等顧乃以奏議公牘確然見諸行事者別爲外集夫詩歌列之外集可也至於聖賢之道本末同原周禮皆述職官尚書皆陳政事周公孔子初不以是爲粗迹卽黃幹編朱子詩文亦未嘗薄視論政之文揮而外之銓乃徒以太極論冠篇欲使隴其接跡周子而以隴其循跡別爲外集是豈隴其之旨乎以此本久行於世故姑仍原刻錄之此

四庫著錄考論者也際岐謹案今本無二首載侯開國

序並靈壽縣遺愛碑魏總憲劾奏降隴其者並舉廉  
二疏餘悉同惟尺牘係二卷而祝文爲第十二卷耳  
四庫又載其著作有讀朱隨筆四卷三魚堂臚言十二  
卷松陽鈔存二卷學術辨一卷問學錄四卷古文尙  
書考一卷讀禮志疑八卷四書講義困勉錄三十七  
卷松陽講義十三卷三魚堂四書大全四十卷焉

江南揚州府梅花書院孝廉堂受業諸子重校

歷代大儒詩鈔

卷五十二

陸子稼書

无

采蘭堂

歷代大儒詩鈔卷五十二

歷代大儒詩鈔卷五十三

滇西趙州後學谷際岐西阿甫彙鈔

受業諸子 男 瞻曉全校

周氏

後五儒崇祀啟聖祠

欽定四庫全書國學禮樂錄傳略

謹案先儒周氏朱史無傳為補此

周輔成字伯大本姬姓自太王邑於周遂以為氏漢興封周後於汝南輔成蓋其後也世家營道莫詳其遷徙所自祖名從遠父智強智強生五子其四名輔成即茂叔父也大中祥符八年賜進士出身終賀州桂嶺令累贈諫議大夫先娶唐氏生礪繼室鄭氏生茂叔明神宗萬曆二十二年禮部覆湖廣撫按郭惟賢等本奉旨是周輔成准從祀啟聖祠稱先儒周氏

謹案先儒周氏無文集亦無詩可採當俟再求

歷代大儒詩鈔

卷五十三

周氏

一

采蘭堂

受業諸子

男 瞻全錄

滇西趙州後學谷際岐西阿甫彙鈔

歷代大儒詩鈔卷五十三

歷代大儒詩鈔卷五十三

滇西趙州後學谷際岐西阿甫彙鈔

受業諸子 男曉全校

張氏

欽定國子監志雍正二年增祀

崇聖祠

詩

謹案先儒張氏宋史無傳其從祀又祇在雍正二年故闕里志及國學禮樂錄均不載無文集亦無詩可採俟再求

歷代大儒詩鈔 卷五十三

張氏

一 采蘭堂

受業諸子 男曉全校

滇西趙州後學谷際岐西阿甫彙鈔

歷代大儒詩鈔卷五十三

歷代大儒詩鈔卷五十三

滇西趙州後學谷際岐西阿甫彙鈔

受業諸子

男曉仝校

程氏

謹案先儒程氏傳卽在宋史程子傳首

程顥字伯淳世居中山後從開封徙河南高祖羽太宗

朝三司使父珣仁宗錄舊臣後以爲黃陂尉久之知龔

州時宜獠區希範旣誅鄉人忽傳其神降言當爲我南

海立祠於是迎其神以往至龔珣使詰之曰比過潯潯

守以爲妖投祠具江中逆流而上守懼乃更致禮珣使

歷代大儒詩鈔

卷五十三

程氏

一

采蘭堂

復投之順流去其妄乃息徙知磁州又徙漢州嘗宴客

開元僧舍酒方行人謹言佛光見觀者相騰踐不可禁

珣安坐不動頃之遂定熙寧法行爲守令者奉命唯恐

後珣獨抗議指其未便使者李元瑜怒卽移病歸旋致

仕累轉太中大夫元祐五年卒年八十五珣慈恕而剛

斷平居與幼賤處唯恐有傷其意至於犯義理則不假

也左右使令之人無日不察其飢飽寒燠前後五得任

子以均諸父之子孫嫁遣孤女必盡其力所得奉祿分

贍親戚之貧者伯母寡居奉養甚至從兄女旣適人而

喪其夫珣迎以歸教養其子均於子姪時官小祿薄克已爲義人以爲難文彥博蘇頌等九人表其清節詔賜帛二百官給其葬

欽定國子監志明嘉靖九年從祀

啟聖祠

國學嘯樂錄宋追封永年伯嘉靖九年從祀

國朝因之

詩

謹案先儒程氏無文集祇宋詩紀事載一首今鈔入俟再求

歷代大儒詩鈔

卷五十三

程氏

二

采蘭堂

漢州作

濯纓泉潔存遺蹟。促軫亭空想舊風。公暇未應無客會。春遊更喜與民同。  
方輿盛覽

歷代大儒詩鈔卷五十三

四

滇西趙州後學谷際岐西阿甫彙鈔

受業諸子 男暎全校

朱氏

謹案先儒朱氏傳卽在宋史朱子傳首

朱熹字元晦一字仲晦徽州婺源人父松字喬年中進士第胡世將謝克家薦之除秘書省正字趙鼎都督川陝荆襄軍馬招松爲屬辭鼎再相除校書郎遷著作郎以御史中丞常同薦除度支員外郎史館校勘歷司勳吏部郎秦檜決策議和松與同列上章極言其不可檜歷代大儒詩鈔卷五十三 朱氏 一 采蘭堂

怒風御史論松懷異自賢出知饒州未上卒

欽定國子監志元至正二十二年追諡獻封齊國公明

嘉靖九年從祀

啟聖祠 國學禮樂錄同

詩

謹案韋齋集十二卷

後附其弟朱棹玉蘭集一卷

自卷一至

六載詩五古一百二十七首七古二十九首五

律二十一首七律五十一首五絕七首七絕一

百八十三首俱分體總詩四百十八首今鈔一

百四首

古詩

謁普照塔

孤塔鶯霄漢。晴影金碧眩。重來得寓目。歸枕尾殘汁。緬懷何姓人。哀禱傾淮甸。是身如皎月。有水着處現。彈指遍大千。何止數鄉縣。惟應緣地聊。爾共流轉顛危悔。靳馬善涉悟。覓扇君看悔。與悟只在一轉眄。至人獨何心。示此禍福變。當知夙緣定。莫作邪道見。哀哉衆生愚。積惡稔天譴。云何一朝急。賴此香火薦。我來適燈夕。寶蠟明邃殿。還措客塵眼。重睹浮圖面。朝來塔上鈴。告我歷代大儒詩鈔

卷三

四

朱子

二

采蘭堂

風色便平淮。一回回首岸草失。葱蒨

曉過吳縣

舟行有嚴程。越國常曉發。雙檣兀殘夢。起坐窺落月。人家岸野水。霧雨籠窳闌。遙憐瑣窻人。欹枕聽駝軋。

陪餘杭張無隅先生飲

先生結屋在人境。門巷蕭蕭作冰冷。紛紛入眼不入意。坐客千言不相領。叩關聞我倒屣迎。重解舊榻塵埃生。向來妙處久不吐。一挽天漢崑崙傾。共說別來經世事。我言所向皆兒戲。胷中塊磊不用澆。便有清愁說無地。

上林師範六十翁。先生合在伯仲中。願言終賜指歸處。  
爲公敬作曾南豐。

於潛道中

山行厭犖確。理策扶欹危。緣野三兩家。一息知可期。冉  
冉晴林端。炊煙裊晴暉。其民豐且樂。恐是太古遺。那知  
都邑間。百索困鞭笞。繁華今何有。半作道旁羸。

酬馮退翁見示之什

我家大江左。江水日夜東。遙瞻發源處。迺在西南窮。相  
望邈異境。正北一水通。故令我與子。迹遠心自同。我生  
寡所諧。強顏紅塵中。倦飛矯歸翮。饑吟咽寒蛩。獨欣得  
歷代大儒詩鈔  
卷五三  
四  
朱氏  
三  
采蘭堂  
吾子萬慮一笑空。時時出秀句。醒我如松風。當知山澤  
臞。不鄙犀角豐。彈冠實伊始。此生各飛蓬。卜鄰固未必。  
卽事聊從容。

贈覺師

覺師儒門秀。脫屣世故早。那知軒冕味。夙悟心已槁。唯  
餘章句習。心境時相惱。如人生於齊。而卽楚鄉老。雖遭  
楚人咻。微音或清好。固無益生死。亦未妨至道。家山亦  
何有。骯髒衣閒窻。叢林選佛場。一擲想盆倒。云何戀故  
居。俛仰待華皓。他年空手歸。子語吾爲老。幸分曹溪水。

萬劫付一澡

睢陽謁雙廟

幽陵胡羯殘中原。列城束手天子奔。天留臣孽毒梁宋。  
賊壘環堞如雲屯。凶波滔天不可遏。塞以束薪何足論。  
力憑孤墉阻其怒。不爾薦食無黎元。堂堂許張勇且仁。  
指揮羸卒氣愈振。上書行在論賊勢。想見憤色吞妖氛。  
人間貧賤容力避。只有一死由來均。二公就此得處所。  
至今日月名爭新。遺祠突兀岸清洛。英氣凜冽橫穹旻。  
尙聞餘蔭福茲土。天假威柄酬忠勤。布衣尙懸千古淚。  
歷代大儒詩鈔

卷五十三

朱氏

四

采蘭堂

效淵明

人生本無事。况我麋鹿姿。一墮世網中。永與林壑辭。此  
行獨何事。豈不爲寒飢。弱歲慕古人。頗覺世好卑。那知  
齒髮邁。終然此心違。春風到山澤。魚鳥亦知時。吾行何  
日休。流目瞻長歧。且用陶翁言。一觴聊可揮。

戲答胡汝能

我生苦中狹。與世柄鑿乖。平生素心人。耿耿不滿懷。汝  
能伯世後。遊世如嬰孩。相逢握手語。便作埴箎諧。時時

笑謂我如子患未涯。執古以規今。求合誠難哉。涉世幸  
未遠。子車尙可回。我介足怨忌。君通絕嫌猜。不見山巨  
源。雍容居鼎台。不見嵇中散。絕交自可哀。賢愚心自了。  
短韻共一哈。

宿野人家

夢裏滄波搖一葉。覺來正受肩輿兀。人家一宿晚可投。  
新席槁梧香更滑。霜前擺穉收百畝。稚子新能牧鷺鴨。  
我生本是箇中人。挾策久矣猶能說。

用退之韻賦新霽

歷代大儒詩鈔

卷五

四 朱氏

五 采蘭堂

春泥窘幽步。苔上屐痕少。新晴一褰衣。綠葉藏啼鳥。方  
塘灩宿漲。古鏡窺清曉。華顛忽自笑。綵羽墮驚矯。瞻言  
雲中耕。縹緲穹春繞。歸把東臯犁。此念何日了。

至節日建州會詹士元

嗟予身百憂。佳節過倥忽。客愁隨綫增。歸思與灰動。當  
年從子曰。未覺百慮重。高堂遶牀呼。一擲有餘勇。那知  
客天涯。相對寒骨聳。歲月曾幾何。鬢絲今種種。忍饑山  
藥。煖附煖地。爐擁深藏。斷還往。衰病脫拜拱。興言望鄉  
關。雲物方鬱滃。空餘相屬意。杯酒久不捧。

考亭陳國器以家釀餉吾友人卓民表民表以  
飲子香味色皆清絕不可名狀因爲製名曰武  
夷仙露仍賦一首

二年飲水閩中村忽見玉醴傾蠻尊涓涓醍醐灌  
熨惱耿耿沉瀼明朝暎旱塵久漲城市暗客夢欲挽江湖吞  
何人遠致雙鯉信知我來扣羅雀門不須邀月已清絕  
尙恐熨齒當微温要從華池汲真液豈獨元鬢壽愁根  
微芒已識投轄客斌媚似返當爐魂奇功誰續伯倫頌  
妙意要與淵明論曾中我自涇渭筆下君已傾崑崙  
歷代大儒詩鈔卷五四 朱氏 六 采蘭堂  
詩成寄與約他日飲君與我空瓶盈

戲贈吳知伯

條侯得劇孟吳楚坐可馘我知無能爲失此一敵國偉  
哉奇男子俠氣橫八極書生復何者骯髒老筆墨刺口  
論安危事往竟何益匹夫嘯空野驚塵一方塞區區空  
有意浩蕩洗鋒鏑何如吳王孫語輒面浮赤交游得朱  
亥負販鄙膠鬲腰間鐵絲箭上鏃紫塞翻笑指蛇豕區  
滅此而後食諸公未備知欲薦恨無力明日我過君烹  
牛呼社客當書游俠傳令子姓名白

送僧

空中世界紛河沙。不知底處爲天涯。乾坤百億在指掌。  
觸處與子同一家。云何猶作去來想。千里一跌毫釐差。  
坐令契濶費星紀。嶺雲欲寄山川遐。撥眉相對此何曰。  
丈室淨掃餘天花。詩豪辨舌久投閣。萬竅寂歷風無譁。  
爲君遊戲出三昧。妙處那復相聲牙。往將妙響應空谷。  
一任飛錫凌蒼霞。

秋懷十首

秋風來幾日。我髮白已多。千林了未覺。奈此一葉何。宴

歷代大儒詩鈔

卷五十四

朱氏

七

采蘭堂

坐閱流光一眇寄。庭柯寒蟲獨何者。唧唧夜自歌。

塵埃地上臣。天關無力補。夜叉呵九關。嘗膽真自苦。寄

牋東南風。儻得蜚廉許。尙當求妙斲。君氏無乃魯。

蔣蘭西窗下。蕭艾病其根。白露墮秋夕。美惡兩不存。寂

寂芳畹空。離離幽佩昏。物各信所遭。此意誰與論。

月林疏愈明。露艸淨可拭。飛飛螢遞照。軋軋蟲自織。移

燈檢書讀。千載如經夕。微言契夙心。妙解失陳迹。文章

事雕琢。回視真兒劇。世無揚子雲。此理誰見真。

宴坐自觀我。中深抱天機。從知月勝火。胥失兔與蹄。太

虛同一如浮雲渺何依悠然淵明心千載與我期  
林臯一葉脫靜士最先知自我抱茲獨悠然星氣馳乾  
坤一逆旅鼎鼎竟何爲枯榮俯仰中兒輩浪自悲青雲  
渺難必白髮不可辭得飽良已泰雨畦瓜芋肥  
了翁臥淮楚德望臨一世憂時九迴腸醫國三折臂四  
海一滔滔揚湯不止沸斯人尙可起姚宋何足繼

反身聖可作自恕惡易盈昨非往莫諫今是來足程幽  
人歲晚粟樹者夷跣并慨然釋七歎諒知負平生

甘菊臥風雨枯荷暗池塘達人聽榮悴志士費感傷亭

歷代大儒詩鈔

卷五十一

四 朱氏

八

采蘭堂

亭岩桂花已作宮槐黃諒無青霞客誰與媚孤芳

江海有一士補袞抱經緯帝衣日月明袖手久不試九

關隔雲雨誰肯借一臂絃急而調卑此歎同萬世

約金確然不至

門前北風裂我襦知君未能出僧廬忍看烟雨凍梅膚

南枝北枝香欲無可無一杯相煖熟道人酒熟不用沽

區區濡沫浪辛苦安得共似江湖魚

書事呈元聲如愚起華三兄

隱吏朱墨暇飽眠北窗風時呼方外客迺暑尊酒中寂

莫杜拾遺。四壁口不供。坐取盤飧疑。哀哉豈天窮。何如平生友。磁鐵間不容。每懷千里駕。今作五斗逢。吏行散。鳧鷖楸局收。鸞龍共話十年舊。事往如飛蓬。浮榮真一戲。何者爲窮通。應須河漢語。淨洗芥蒂胃。僕夫適在門。客醉尊亦空。更爲後日約。及此芙蓉紅。

梅花

山深春未動。沙淺水欲冰。玉梅於此時。靚粧畧無朋。露蘂欲的皪。月枝挂鬢鬢。儼如江漢女。可愛不可陵。他年江南路。曉粧犯嚴凝。尋香烟雨中。橫斜插茆簷。卻數今歷代大儒詩鈔

卷五十三

朱氏

九 采蘭堂

幾日癡如秋後蠅。北嶺枝欲空。誰與扶一登。聊分窺水影。依我照字燈。坐使惜花夢。臨風腳騰騰。昔如夢中蝶。今學桑下僧。了知菩提長念起。吾何曾。

十一月十九日與仲猷大年綽中美中飲於南

臺

空山欲雪雲冥冥。玉梅半開吾眼青。此身垂欲走塵土。聊復舉酒看崢嶸。折腰向人不知恥。故園可鋤在千里。金昆石友一開眉。珍重道人相料理。楚江東岸先人廬。竹君安否久無書。歸歟何時應白首。我食吾言如此酒。

次韻夢得見示長篇

雉馴不因媒。鳩暖自呼婦。詩成桃李陰。知是霹靂手。簿書我亦厭。標壑渠自有。卻憐支離疏。飽食得薪邱。俗夫嘗世味。甘苦半噦嘔。知公超然處。心跡兩無垢。愁陰老芳物。蟲鳥故相誘。浪蕊費收拾。柔條可結揉。豈無我輩人。一醉開笑口。那知市門底。客倦枕兩肘。眼高可人稀。命蹇亨運偶。平生願執鞭。見謂子小友。細觀愷悌心。宜在帝左右。卻來塵埃中。寂寞對五柳。敲音藏鵠羽。正待荆雞剖學政。容窺譜問字。當載酒虛名。翻誤夢恐坐。箕

歷代大儒詩鈔

卷五十三

朱氏

十

采蘭堂

與斗言詩終不稱。永愧賦瓊玖。

牡丹醪醑各一首呈周宰

珍藂壓朝露。無人羞欲飲。春風醉香骨。綽約不自持。誰憐曲肱人。一笑遣穠姿。不言意可了。君醉當勿疑。妝淡洗逾靚。肌香薰不成。皎然月露姿。一笑午景晴。聊移夢蝶牀。相對戶不扃。誰令風雨暴。睡起春縱橫。

次韻夢得殘紅芍藥長句

十日愁陰病不出。臥看春歸無計惜。詩翁遣送淮海春。衰眼熨開雲霧折。胭脂注臉勻未遍。肉紅借酒生真色。

了知造物着意深。傾倒春工不餘力。年來不顧溱洧女。  
載酒非公復安適。且將妙句寫餘妍。欲立佳名付精識。  
一春頗困歌酒汗。回首紛華三太息。願言乞與洗心方。  
歸對爐香誦周易。

宿禪寂院

夢中一葉搖江湖。困睡不覺身藍輿。眼明佛屋麗丹碧。  
瓦鴟鵂鳳凌空虛。疲民日者困苛索。半作頰尾相濡魚。  
鵝鵝數罟兩不置。肯念竭澤明年無。道人誰與辦此事。  
斤琢千指開渠渠。頗疑如幻三昧力。上方手攬歸吾廬。

歷代大儒詩鈔

卷五十三

四

朱氏

十一

采蘭堂

了知舌本法輪轉。咄嗟檀施爭奔輸。不辭割愛一念善。  
誰謂歲惡窮民愚。書生袖手對溝壑。力不能援心煩紆。  
事無大小成者少。談說治亂何區區。調卑絃急誠齟齬。  
鑿圓枿方尤闕疏。古今罪歲同一口。撫掌一笑皆愚儒。  
次韻夢得見示之什

居楚求齊音。美惡不同土。喧厯俗物華。羣復有佳處。時  
從玉璧人。商畧窮萬古。詩如粟牛戲。誤得摩頂許。望道  
渺逾遠。久生真暫寓。忍持尺璧陰。空作秋蟲語。微言儻  
傾倒河漢。濯肺腑。向來說詩口。自此行可杜。

送歐寧魏生赴武舉

建安少年請纓客。橫槊賦詩兩無敵。辭家去作入彀英。  
氣拂天狼夜無迹。廟堂尺箠鞭羗胡。智名勇功付壯夫。  
引弓沒羽世自有。敢問上策當何如。

陳仲仁止止堂

以我有限景。逐彼無涯知。失足踐畏途。投身試危機。舟  
車日奔覆。定無邱與夷。萬古踐此軌。嗟我與誰歸。仲仁  
古靜者。懷璧照褐衣。名途嘗一戲。回首羞前非。心如得  
坎水。不受狂風吹。功名憂不免。當復定所之。請觀本無  
歷代大儒詩鈔 卷五十四 朱氏 十一 采蘭堂

遊鄭園

作今復止者。誰築堂市門側。著書園不窺。蓬藿深一丈。  
圖書周四圍。時有好事人。載酒問所疑。攫金奮敏手。倚  
市誇妍姿。回光時自照。何者非吾師。

城郭不去眼。而得林壑娛。低回撫壯心。欲吐無與俱。鏗  
然一枝筇。細磴爭樵漁。挽衣徑與飲。不省誰爲吾。

谿南梅花

巉巉石逕鳴枯筇。意行詰曲無西東。心知幽壑梅已動。  
一枝寄我曾未蒙。暗香橫路忽驚顧。冰蕊的皪蠻烟中。

有如佳人久去眼邂逅相得情何窮  
蔬畦壓霜翠羽亂已覺雪片棲丰茸  
嗟吾辜此來已晚攀條嚼蕊聊從容  
玉仙遊戲下塵世絕艷一洗朱鉛空  
不知閨苑在何許叱回風馭無怒  
怒溪寒沙淨迷俯仰坐待山月來  
朦朧豈無尊酒相煖熟錦裘起舞如  
驚鴻仇池老仙羽化久妙曲三疊  
餘仙風歸時醉倒不知和明日來  
此誰能同

再和求首座

道人昔曳羗廬筇五老負雪溢江東  
犯寒貪覓玉梅句雖有衲被何曾蒙  
歸來苦雨熟梅子卷械深卧蠻烟中

歷代大儒詩鈔

卷五十三

朱氏

三

采蘭堂

詩傳絕境忽入手置我鄉國情何窮  
十年不踏江上路漠漠海氣昏貂茸  
異鄉歲晚慰流落一笑賴此冰雪容  
嶠南絕唱誰敢和騎鯨人去塵寰空  
崑墟下視堪笑閔雕琢肝腎愁忽忽  
那知幽子雲甫上風斤玉斧修瞳朧  
讀詩令我一回首杳若目送孤飛鴻  
何時晤語折鐺側坐聽萬籟號天風  
拈花特地兩顏解他時與子真參同

奉酬令德寄示長句

閑官屋舍如幽棲寒苦餘業償鹽齏  
忽聞鵲鼓作破竹尺書入手誰所齎  
交遊勝絕似公少矯矯鸞孔依蒿藜

青萸側足在咫尺。誰使狡獪捐其梯。秋風溪上共尊酒。  
擺落羈束忘畛畦。紅裳起舞意未足。缺月銜額星河低。  
只今跌宕走塵土。清夢往復無山溪。新詩驚怪爛盈幅。  
筆力拘怒蟠虹霓。遙知槃礴小窗底。得喪已著一理齊。  
此生同困造物戲。未覺與世誰雲泥。雖無絕唱追白雪。  
頗有妙契如靈犀。一笑從公豈無日。挽袖相屬空玻璃。  
不須俗物敗真賞。但覓佳處同攀躋。

答林康民見和梅花詩

寒崦人家碧谿尾。一樹江梅臥清泚。仙姿不受凡眼汙。

歷代大儒詩鈔

卷五十三

四

朱氏

十四

采蘭堂

風歛天香瘴烟裏。向來休沐偶無事。誰從我遊二三子。  
彎碕曲逕一攜手。東雀驚飛亂英委。班荆勸客小延佇。  
酌酒賦詩相料理。多情入骨憐風味。依倚橫斜嚼冰蕊。  
至今清夢掛殘月。強作短歌傳素齒。韻高長恨句難稱。  
賴有君詩清且美。天涯歲晚感鄉物。歸歟何時路千里。  
枕樓一笛雪漫空。回首江亭淚如洗。

秋懷六首

庭柯一葉失。風挾涼氣歸。湛湛陂水清。芙蓉脫紅衣。非  
無岑寂士。句法妙元暉。獨懷履霜戒。德人貴知微。

眞儒六經學。文字聊解紛。長孺棄諸侯。漢庭相公孫。兒  
口乳未乾。妄作黑白分。誰能領斯會。事往風中雲。  
導江自岷山。源淺觴可濫。下集大小川。千丈水府暗。策  
策井桐源。罔罔窗月澹。後生抱奇志。黃墨勤點勘。  
市朝富危機。匹夫死憑河。何如狎鷗子。烟雨同一波。行  
藏各有趣。不在相詆訶。我師陋巷人。千古冠四科。  
穿堵超玉繩。影倒夜窻寂。火雲一洗空。月露清欲滴。幽  
人負病臥。起坐三歎息。歸同對牀第。晤語永佳夕。

揜窗耿不寐。道人亦無惊。故山新稻香。粥魚響枯桐。夢

歷代大儒詩鈔

卷五十二

四 朱氏

五

采蘭堂

中信了了。推枕聞西風。少遲稗金牀。歸轡與子同。

書耕欄院壁

側身西來度千山。列仙仙去空孱顏。斗升自役應笑我。  
何苦語曲嬉塵寰。歸耕無田仕難合。疑此二柄首鼠閒。  
摩挲崖石三歎息。我心安得如汝頑。

丁未有懷舍弟時在京師

狂虜送死河南北。王事遙憐弟行役。胡命須臾魚在鼎。  
官軍低回鷲將擊。渴聞天語十行札。尤覺家書萬金直。  
何時同秉江上犁。萬里農桑吾願畢。

五言雜興七首

側席憂宗周。負疴頭岑岑。又傳衢梁盜。美兵保山林。渴  
聞平虜詔。蟄戶跋雷音。欲舞恨袖短。諸君獨何心。  
黃香臥講肆。日蕪五畝園。兒誦聲九雛。未厭咽耳喧。古  
來避世士。或隱車馬門。云何北窗底。默默對幽譚。  
聖門出嵩岱。領略千兵岑。久矣暖姝子。蠹魚稿書林。曾  
參一唯後。曠古沉此音。願君同鑽仰。滿我初地心。  
丹白春事了。灌木忽暗園。卷書護岑寂。幽鳥時一喧。起  
攜無事酒。往扣常關門。豈無素心人。之子不可譖。

歷代大儒詩鈔

卷五十三

朱氏

六

采蘭堂

讀書評世故。自許了無猜。忽然撫機會。往往鑿柄乖。時  
難既可嘆。道大未易涯。歸來臥看屋。吾意亦悠哉。  
湛湛天宇清。宛宛穹脊白。投深得僧窗。千嶂倚蒼壁。開  
卷與晤言。炷香伴岑寂。獨將萬里心。收斂入尋尺。  
身輕客已去。睡美體新浴。南風吹好句。歷歷韻松竹。雖  
云天耳聽。擬以幽夢續。不辭舉似人。恨汝心眼肉。

飲梅花下贈客

憶挽梅花與君別。終年夢掛南臺月。天涯溪上一尊酒。  
依舊風卮舞香雪。高情絕艷兩無言。玉笛冰灘自幽咽。  
卻憐造物太多事。更要和鼎調人舌。浮生蹤跡風花裏。  
鼠壤珠宮孰優劣。且當醉倒此花前。猶勝相思寄愁絕。

次韻和吳駿卿

學道日已媮。干時心同嬾。同懷能幾人。俛仰風雨散。晚  
得吳王孫。抱釁戢高翰。由來清廟質。不賦白石爛。笑我  
塵土中。坐受微粟絆。新詩中音會。天律度絃管。未能載

歷代大儒詩鈔

卷五十三

四 朱氏

七

采蘭堂

酒問。但作焚硯歎。況聞翻貝葉。一悟了真幻。文章迺兒  
劇。安用黑白判。何時商畧此。得酒不待勸。

次韻張漕茶山喜雨

天公積憤何曾雪。遑恤茶工貪攬擷。無聊桃李困遲  
暗。白薦紅飛亂擷。誰疏天漢下穹窿。苦厭風霾昏喘噪。  
行臺使者掃雲手。釃酒叢祠拜靈蔭。歸來一雨動三日。  
溝壑遺民起垂絕。豈唯槍旗各呈露。更喜筍蕨爭芽茁。  
明朝擊鼓萬指集。雲蹬攜簏穿曲折。紅塵一騎天容開。  
顧渚蒙山坐銷歇。帝觴嘗罷思苦口。公如子牟心魏闕。

金鑾諫舌夜生塵回首山中記同暇

汪彥允見和約遊東山作荔枝次韻

天工傾倒不餘力。唯有荔枝香味色。君家桃李要爭妍。  
腸斷鬢絲禪榻客。書生甕殖天所支。煮茗誇妓非良規。  
腹飢眼寒君不忍。着詩喚作東山嬉。冰盤絳實光照市。  
歸來香滿巫陽袂。明日人傳玉蕊仙。絕勝空賦青龍柿。

止戈堂

高堂岩岩面勢尊。洞見萬井開重門。元戎務簡玉帳靜。  
綬帶酌客娛朝昏。憶初餓隸起篁竹。一笑千里來黥髡。

歷代大儒詩鈔

卷五十四

朱氏

六

采蘭堂

將軍攬鏡媚巾幗。何異搏虎驅狐豚。只今休父八州牧。  
身佩重寄憂元元。驚塵錯莫羽書密。雖有美酒誰同樽。  
沈機且復長轡御。憑懇何啻血面論。樓船一夕飛度海。  
漢家上將來天闔。狂童束手赴烈火。瑠戈不污妖血痕。  
坐譙飲至凱歌入。舩粟往哺遺民存。五兵包裏高閣束。  
止戈新榜真成言。便當頻與方外吏。徙倚風月星河翻。  
幾年牡籥飛不守。河濟逆氣腥乾坤。知公快挽天河手。  
坐視黠虜方遊覓。權輿閩越聊小試。寧復久此淹遐藩。  
農桑萬里望公等。願見四海無營屯。

記草木雜詩七首

月桂花

窗前小桂叢。著花無曠月。月行晦朔周。一再開復歇。初如醉肌紅。忽作絳裙色。誰人相料理。耿耿自開落。有如貧家女。信美乏風格。春風木芍藥。穠艷傾一國。芳根雖無恙。歲晚但枯枿。

萱草

水菽怡慈顏。萬鍾亦土苴。時從班衣兒。菡萱北堂下。穠花夫豈少。愛此入風雅。紛敷翠羽叢。絳英爛如赭。諸孫歷代大儒詩鈔卷五十一四朱氏  
十九采蘭堂  
遶銀鹿。采摘動盈把。誰言壺中春。在此省壽筴。

紫竹

新移紫玉幹。羅列才十餘。枝葉一何病。意色慘不舒。早久土膏燥。抱甕愁僕夫。雖無樵蘇厄。若欠雨露濡。我來侶魚蝦。滄溟在階除。月窗瀉水墨。天風雲虛徐。誰言居無友。此君良不疎。三年爲主人。籜孫定紛如。他時報安否。誰寄青泥書。

茱菊

海上作重九。菊揉青蕊香。近墟買茱萸。枯顙出藥囊。兒

曹記土風。歎歎事祈禳。老夫未免俗。聊爾答風光。災祥  
理不僭。此柄熟主張。譎言眩末俗。吾欲案長房。

吉貝

凌海霜雪少。畏寒直過憂。駝褐阻關河。吉貝亦可裘。投  
種望着花。期以三春秋。茸茸鵝毳淨。一一野繭抽。南北  
走百價。白瓊光欲流。似聞邊烽急。綠江立貔貅。裁襦襯  
鐵衣。愛此溫且柔。天乎未厭亂。利厚人益媮。誰知海濱  
客。獨歎無人酬。

芭蕉

歷代大儒詩鈔

卷五十四

朱氏

三

采蘭堂

地鹵不敏樹。珍植何由暢。斲根移芭蕉。美蔭跂可望。芳  
心日卷書。翠葉忽張王。偏工鳴秋雨。疏密眇難狀。霜風  
一以厲。狼籍坐惆悵。誰言縑縷中。秋子得佳餉。緗囊貯  
瑞露。厚味天所貺。懷哉腊毒言。節日畏生瘴。

菖蒲

東山在箬宇。未到心鬱紆。流泉撞哀玉。清冽生菖蒲。聞  
有嬋娟子。棄家來結廬。窈窕雲霧窗。參差冰玉膚。絕粒  
餽香節。仙姿清且腴。邈來隱身去。冷落愁臞儒。靈方無  
由乞。石斗移根鬚。相看意已消。何必見子都。

吳江曲

吳江女兒白如玉。花底紗窗傍溪渌。玉簫春暖貼朱唇。  
故作陽春斷腸曲。扁舟掠水去如飛。不見嫣然一笑時。  
回首江城只孤塔。向來一念復因誰。

律詩

和舜明晚雨

一雨平龜圻。層臺轉小涼。吟羞東野窘。醉想謫仙狂。溼  
翠生苔徑。餘清襲芰裳。玉郎不相顧。掃地盡焚香。

贈言命張生

歷代大儒詩鈔

卷五

四  
朱氏

三

采蘭堂

俛仰塵埃的自羞。稍看寒餓復誰憂。小兒造物巧相戲。  
窮鬼逐人殊未休。我所不知煩子算。世如無取更何求。  
服箱挹酒真公麼。那用區區問斗牛。

熊積道桂軒

覓種老蟾窟。培根芹水傍。書燈移素影。詩筆帶餘香。家  
計傳韋業。孫枝繼郗芳。山川供秀潤。蘭玉競輝光。那把  
攀雲手。空持種樹方。嗟無月脇句。惡語汗君梁。

留別卓民表

未俗紛紛事不情。天涯懷抱向誰傾。漂流空度三秋日。

邂逅來逢四海兄。剪燭西窗驚睡夢。對牀夜雨話平生。  
滔滔世路方同鷺。何日相期問耦耕。

寒食

粥冷春飴凍。泥開臘酒斟。故鄉空淚滿。華髮正愁侵。山  
暝雨還住。烟孤村更深。誰知江海客。浩蕩濟時心。

延福寺觀醮醮

幽棲一壑無來轍。睡起忽驚春已深。踏青不趄溱洧女。  
曳杖來尋薈蔔林。長條挽處雲籠袖。幽佩歸時月滿襟。  
武谿回首醉眠地。香力一熏愁到今。

歷代大儒詩鈔

卷五十三

四

朱氏

三

采蘭堂

寄吳及之

世事今人舌本強。滔滔何處是吾鄉。未成微服隱吳市。  
且可攜筇訪艸堂。欲買雞豚投近社。少陪風月坐胡牀。  
共將絕唱追韓孟。一飲還須釀百觴。

答卓民表送茶

攪雲飛雪一番新。誰念幽人尚食陳。髣髴三生玉川子。  
破除千餅建谿春。喚回窈窕清都夢。洗盡蓬蓬渴肺塵。  
便欲乘風度芹水。卻悲狡獪得君嗔。

和人遊仙峯庵

足底千峯翠浪奔。雲端掛此一毫身。山河了了窮千界。  
物我紛紛共一塵。浪趨下方追日步。恨非本色住庵人。  
他年八極浮遊遍。來讀新詩迹未陳。

再答諸公

芳節坐晚。晚客懷無一堪。柳眠猶自困。花笑爲誰含。風  
揭拾遺屋。塵生執戟簾。聯詩賴諸友。妙句壓城南。

送仲猷北歸二首

一邱胷次有餘師。空此淹留歲月遲。黃墨工夫憐我倦。  
筆瓢風味要君知。新詩落筆驚翻水。俗學回頭笑畫脂。

歷代大儒詩鈔

卷五十三

四 朱氏

三

采蘭堂

伊洛參同得力句。還家欲舉定從誰。

欲尋常日故山盟。身世今如海一萍。歸路上心真了。  
愁根入鬢已星星。挽衣共酌東西酒。折柳送行長短亭。  
念我知君回首處。蒼叢苜葉一時青。

林文挽詩

沈谿耆舊半邱墟。猶有期頤隱士區。未展武侯牀下拜。  
已傳顏子夢中呼。門人會築三年室。帛客誰畱一束芻。  
歸臥九原應不恨。何蕃聲譽滿京都。

有懷黃元聲時聞在建上詩中所記建上舊遊

也

積雨山城久臥痾。起看橫港漲晴波。空餘九尺鬚。猶好柰此一樽風。月何懷抱故人常在念。經行佳境想重過。東谿回首醉眠處。爲問紅渠何許多。

答人留別之什

際岐謹案周獻公留別詩一片神行似歐子滁州詩均絕調也

家在大江東。復東去。君一舍碧流通。那知臨水登山處。同寄飛蓬。斷梗。中愁絕。盃中千里月。夢縈江上一帆風。只今且作須臾意。更典雲裘醉小藂。

題白鹿菴壁

歷代大儒詩鈔

卷五十一

四 朱氏

三西

采蘭堂

滔滔一世強。雷連頭上從渠歲月遷。老子養生寧解事。小兒有口慣談天。醉來莫負持螯手。老矣終尋種玉田。若怪微吟漏消息。九江誰識羨門仙。

次韵堯端試茶

龍文新夸薦湘羅。園吏分嘗苦味多。自淪雲腴斟露井。坐知雪粒采陽坡。撐腸君要澆黃卷。愛酒渠方捲白波。我亦箇中殊不淺。斷無蹤跡到無何。

贈范直夫

將軍競病詩成處。南浦春歸蘭玉叢。漸減心情身老大。

久乖談笑路西東。鄉關落日蒼茫外。樽酒寒花寂歷中。  
且與寓公同放曠。浩歌相屬倚秋風。

招友生

雨收天氣欲清明。猶有餘寒在粥飴。馬隊客勤貪晝永。  
鱸堂人病想身輕。讀書有味鹽鹽好。對境無情夢寐清。  
欲話此懷須我輩。一來蠟屐伴春行。

次韻羅源謝成章作不烹鳴雞詩

彼美司晨族。膠膠織効鳴。爲憐君子操。寧乏小人羹。恩  
重棲埒穩。心危失旦驚。未甘烏轉夜。聊學鴈全生。結客  
歷代大儒詩鈔卷五十四 朱氏 三五 采蘭堂  
觀酣鬥。要君事割烹。那知競辰子。力學務時成。

次徐謝韵還江公詩卷

大條祠官閑日月。絕知聖處着功深。榮枯舉世爭盧白。  
枉直何人較尺尋。身比香山差得計。詩看正始有遺音。  
應容下客遊東閣。要話朱游夙昔心。

寄江少明

龍卷風雲一髮蟠。不妨聊作侍祠官。高情未許羣兒覺。  
萬事何須正眼看。問道從公春信近。談天容我酒盃寬。  
乘桴亦有平生意。回首紛紛行路難。

送景思奉祠之温州

司祀名郎下紫宸。王師載主尙時巡。丕承配極威靈在。  
對越垂休命秩新。幽夢想多春艸句。清江爲洗涅衣塵。  
行觀前席來宣室。可但從容問鬼神。

次韻鄭德與歸舟中感懷

兩牛鳴地隔寒流。病起相望客鬢秋。聞道喚船歸別浦。  
坐懷聯策倚滄洲。騷人空復驚搖落。胡賈何須歎滯留。  
會擁蒙衝入河渭。看君黃色上眉頭。

送蘭廷彥之衡州

歷代大儒詩鈔

卷五十一

四 朱氏

三六

采蘭堂

墻東新徑去年開。二老扶筇便往來。數面何曾三日別。  
離懷都寄十分杯。客亭繫馬梅爭落。官舍裁書鴈欲回。  
秉執樞機有知己。未須卜築向蒿萊。

公相起犁鋤

帝室尊公相。潭潭大府居。從容調鼎鉉。奮發自犁鋤。  
弼亮恢賢業。班聯冠廣除。艱難同耦日。慷慨較耕初。厚幣  
來莘野。幽人出冀墟。渴賢才仄席。何許老田廬。

絕句

鈇山僧齋假山

擘開華嶽三峯秀。疊就層峯數石寒。等是世閒兒戲事。  
道人莫作兩般看。

將還政和

歸去來兮歲欲窮。此身天地一賓鴻。明朝等是天涯客。  
家在大江東復東。

梅花

霜谿咽絕照冰姿。誰見無人弄影時。香逐曉風穿暗戶。  
夢隨落月掛寒枝。

水精念珠頌

歷代大儒詩鈔

卷五十一

朱氏

三

采蘭堂

百八牟尼水玉寒。客囊無復一錢看。只應袖裏靈山路。  
無數如來轉指端。

遊南峯贈長老

欲問春歸只意行。亂紅吹盡綠冥冥。道人那管芳菲過。  
沙劫成灰睡未醒。

芍藥二首

露壓珍叢粉自勻。日歌蕙萼態殊真。未成跨鶴腰金去。  
先醉揚州十里春。

已分春光冉冉過。奇葩好在奈愁何。誰令玉頰紅成點。

如意痕深琥珀多

三峯康道人墨梅三首

今鈔一

一枝春曉破霜烟影瀉清岐最可憐  
衲被犯寒歸吮墨也知無地着朱鈔

欽定四庫全書載章齋集十二卷後附玉欄集一卷提要云

朱子之父也政和八年同上舍出身官至吏部員外郎以言事忤秦檜出知饒州未上請閒得主管台州崇道觀滿秩再請命下而卒朱子作松行狀有章齋集十二卷外集十卷外集今已久佚是集初刻於淳

熙再刻於至元又刻於宏治傳本亦稀康熙庚寅其

歷代大儒詩鈔

卷五十三

四朱氏

三

采蘭堂

裔孫昌辰又較錄重刻是爲今本核其卷數與行狀相合蓋猶舊帙也前有傳自得序稱其詩高遠而幽潔其文溫婉而典裁至表奏書疏又皆中理而切事情松早友李侗晚折秦檜故其發爲文章氣格高逸翛然自異後附朱棹玉欄集一卷棹字逢年松之弟也其集原別本自行故書錄解題與松集各自著錄明宏治丙辰任邱鄭璠得其本於睢陽程信之因附刻松集之後昌辰此刻亦仍之後有尤袤跋極稱其春風一篇感事三首焉此

四庫著錄考論者也際岐謹案今所獲本卽

四庫所錄

內府藏本實無二刻而淳熙傳自得序至元劉信序宏  
治鄭璠各序玉欄集末尤表跋均載獨無裔孫昌辰  
所刻之序其書卷一之六爲詩卷七奏議卷八策問  
卷九書卷十序記跋卷十一表疏啟卷十二行狀墓  
誌祭文而玉欄集詩歌一卷附焉

歷代大儒詩鈔

卷五十三

朱氏

三九

朱蘭堂

續祭文而玉欄集詩歌一卷附焉

卷九書卷十序記跋卷十一表疏啟卷十二行狀墓

誌祭文而玉欄集詩歌一卷附焉

內府藏本實無二刻而淳熙傳自得序至元劉信序宏  
治鄭璠各序玉欄集末尤表跋均載獨無裔孫昌辰  
所刻之序其書卷一之六爲詩卷七奏議卷八策問  
卷九書卷十序記跋卷十一表疏啟卷十二行狀墓  
誌祭文而玉欄集詩歌一卷附焉

歷代大儒詩鈔卷五十三

五

滇西趙州後學谷際岐西阿甫彙鈔

受業諸子 男曉全校

蔡氏

欽定宋史儒林列傳

蔡元定字季通建州建陽人生而穎悟八歲能詩日記數千言父發博覽羣書號牧堂老人以程氏語錄邵氏經世張氏正蒙授元定曰此孔孟正脉也元定深涵其義既長辨析益精登西山絕頂忍饑咬齋讀書聞朱熹名往師之熹扣其學大驚曰此吾老友也不當在弟子

歷代大儒詩鈔

卷五十三

五 蔡氏

一 采蘭堂

列遂與對榻講論諸經與義每至夜分四方來學者熹必俾先從元定質正焉太常少卿尤袤祕書少監楊萬里聯疏薦於朝召之堅以疾辭築室西山將爲終焉之計時韓侂胄擅政設僞學之禁以空善類臺諫承風專肆排擊然猶未敢誦言攻朱熹至沈繼祖劉三傑爲言官始連疏詆熹併及元定元定簡學者劉礪曰化性起僞烏得無罪未幾果謫道州州縣捕元定甚急元定聞命不辭家卽就道熹與從游者數百人餞別蕭寺中坐客興嘆有泣下者熹微視元定不異平時因喟然曰友

朋相愛之情季通不挫之志可謂兩得矣元定賦詩曰  
執手笑相別無爲兒女悲衆謂宜緩行元定曰獲罪於  
天天可逃乎杖屨同其子沉行三千里腳爲流血無幾  
微見言面至春陵遠近來學者曰泉州士子莫不趨席  
下以聽講說有名士挾才簡傲非笑前修者亦必服謁  
拜執弟子禮甚恭人爲之語曰初不敬今納命愛元定  
者謂宜謝生徒元定曰彼以學來何忍拒之若有禍患  
亦非閉門塞竇所能避也貽書訓諸子曰獨行不愧影  
獨寢不愧衾勿以吾得罪故遂懈一曰謂沉曰可謝客

歷代大儒詩鈔

卷五十五

蔡氏

二

采蘭堂

吾欲安靜以還造化舊物閱三日卒侂胄旣誅贈迪功  
郎賜諡文節元定於書無所不讀於事無所不究義理  
洞見大原下至圖書禮樂制度無不精妙古書奇辭與  
義人所不能曉者一過目輒解熹嘗曰人讀易書難季  
通讀難書易熹疏釋四書及爲易詩傳通鑑綱目皆與  
元定往復參訂啟蒙一書則屬元定藁嘗曰造化微妙  
惟深於理者能識之吾與季通言而不厭也及葬以文  
誄之曰精詣之識卓絕之才不可屈之志不可窮之辯  
不復可得而見矣學者尊之曰西山先生其平時問學

多寓於嘉書集中所著書有大衍詳說律呂新書燕樂  
原辯皇極經世太原潛虛指要洪範八陣圖說熹爲之  
序子淵沉皆躬耕不仕

欽定國子監志明嘉靖九年從祀

敬聖祠

詩

謹案蔡氏九儒書內西山集載詩五律三首五  
古一首七絕十首七律二首總詩十六首今全鈔

贈相士徐鬼眼

挾術滿天下。誰人解識真。不因眼是鬼。那得口如神。堅

歷代大儒詩鈔

卷五十五

蔡氏

三

采蘭堂

白三寸舌。雌黃一世人。操脩果無愧。方可問人倫。

挽劉忠肅二首

今代中興佐。如公有幾人。秉心先許國。臨事輒忘身。才  
畧優中外。清忠表縉紳。天乎何不淑。遽奪我元臣。  
大節人誰識。孤忠我獨知。文章亦餘事。軒冕竟何爲。國  
恥生期報。臣心死未衰。淒涼遺奏藁。千載有餘悲。

謫春陵別諸友詩

天道固溟溟。世路尤嶮巇。吾生本自浮。與物多瑕疵。此  
去知何事。生死不可期。執手笑相別。無爲兒女悲。輕醇

壯行色。扶搖動征衣。斷不負所學。此心天所知。

麻沙八景詩

岱山夕照

望斷高峯眼不花。箇中彷彿認人家。情知一樣青山色。纔有斜陽景更佳。

烟村春雨

堆螺疊翠聳奇峯。花柳村村綠間紅。不有翠微翁識破。誰知春在雨烟中。

雲巖山色

歷代大儒詩鈔

卷五十三

五 蔡氏

四

采蘭堂

山染烟光弄晚嵐。幾多碧色映寒潭。篆烟銷盡金爐冷。雲滿巖前月滿庵。

祇園溪聲

橋枕東流路透西。橋邊梵刹亦幽奇。人來問道不須問。祇聽溪聲悟佛機。

松岡夜濤

萬頃雲濤轟怒雷。更深好夢遽驚回。老松本是無聲物。恰值風從天上來。

蓮湖晚風

湖面花開映綠波。當年曾聽採蓮歌。垂楊拂地雲臨水。舉目令人感慨多。

武陵橋月

長虹倒景蘸清溪。掩映銀蟾景絕奇。題柱惜無人繼志。覽今思古強吟詩。

象巖晴雪

風捲寒雲收曉晴。巖巖白石自天生。遠看似雪還非雪。有物元來是混成。

自詠

歷代大儒詩鈔

卷五十一

五

蔡氏

五

采蘭堂

獨抱草編過客稀。簞瓢不厭屢空時。幽然自與庖羲近。春去人閒總不知。

贈琴士邵邦傑

見翰林全書壬集八卷八

五寸管能窺造化。七絃琴解寫人心。平生不作麒麟夢。且聽高山流水音。

西齋自詠

數椽茅屋環流水。布被藜羹飽暖餘。不向利中生計較。肯於名上着工夫。窗前野馬閑來往。天際浮雲自卷舒。窮達始知皆有命。不妨隨分老樵漁。

推衍後世休咎

顯慶堂將後世推。子孫紹復承吾書。四傳學業家還在。五世因貪人產除。續纘流風六七代。繼興遺蹟八九渠。數終輪奐猶有待。御史尹仁爲吹噓。

鶴林玉露曰。濂溪明道伊川橫渠之講道盛矣。因數明理復有一邵康節出焉。晦庵南軒東萊象山之講道盛矣。因數明理復有一蔡西山出焉。昔孔孟教人言理不言數。然天地之間有理必有數。二者未嘗相離。河圖洛書與危微精一之語並傳。邵蔡二子蓋將

歷代大儒詩鈔

卷五十三

五 蔡氏

六

采蘭堂

發諸子之所未言。而使理與數粲然於天地之間。其功亦不細。近年以來。八君子之學。固人傳其訓。家有其書。而邵蔡之學。則幾人無傳矣。見玉露二卷十二

尋樂子曰。邵子推事物之驗。今亦未見全書。而蔡西山先生尙存一二。謹記以驗觀者。紹興辛巳上元日。西山在麻沙水北。顯慶堂推演賦曰。子孫紹復承吾書。則節齋復齋九峯皇極經世內篇皆承西山先生之命。而著然九峯公又遵師訓而成書經集註。今配享廟庭。則紹復承書之功。于是爲大如曰。五世因貪。

人產除至希塾希壁輩抄沒其家致宗人逃散四方  
則其人產之除又應也成化十二年丙申直指使者  
尹公名仁入分水關夜夢一老人戴深衣幅巾前揖  
而言祝求棲身之地叩其姓名曰蔡某也公抵建陽  
詢之時潭尹不悟直指公之所謂將蔡氏紐解投之  
直指公曰彼有何罪如此裝飾亟出更衣再入于是  
以深衣里老衣冠晉謁拜畢直指公問曰爾家有何  
故跡其子孫蔡佐應曰有族譜在直指公閱之忽見  
此詩愕然曰異哉何予名之預在此中也久矣越歲  
丁酉卽捐俸檄縣尹海公登爲建傳心堂今后山書  
院棟宇巍然者皆尹公力也吁竒矣哉何其言之毫  
髮不爽也卽何八公賃屋事與歐陽春廬僕夫事豈  
不尤竒乎詳見邱子陵敘西山先生行實中噫恠力  
亂神先聖之所不語而先生之賦竟爲三百四十年  
後之識至世廟始以先生配享啟聖祠其意有在矣  
豈區區技術可得而例先生哉古譜有存邑乘有載  
今亦不敢云始識以存之

歷代大儒詩鈔

卷五十三

蔡氏

七

采蘭堂

傳圖像贊次皇極經世指要二卷律呂新書二卷  
次書題銘贊詩跋而誥命薦章及朱子以下宋元明  
諸儒所與之書並墓圖墓表言行錄行實紀略祭文  
挽詩題跋等爲附錄終焉又載律呂新書二卷云宋  
蔡元定傳朱子稱其律書法度甚精近世諸儒皆莫  
能及又云季通理會樂律大段有心力看得許多書  
又爲此書作序曰黃鍾圍徑之數則漢斛之積分可  
考寸以九分爲則淮南太守小司馬之法可推五聲  
二變之數變律半聲之例則杜氏之通典具焉變宮  
變徵之不得爲調則孔氏之禮疏固亦可見至於先  
求聲氣之元而因律以生尺則尤所謂卓然者而亦  
班班雜見於兩漢之制蔡邕之說與夫國朝會要以  
及程子張子之言蓋是書實朱蔡師弟子相與共成  
之者故獨見許如此此

四庫著錄考論者也際岐謹案律呂新書爲通行之本  
其他著作則皆在九儒書內而無專行文集焉

歷代大儒詩鈔

卷五

蔡氏

八

采蘭堂

江南

揚州府梅花書院孝廉堂

受業諸子重校

歷代大儒詩鈔卷五十三

